

کوره صیجاق و معدنی قالب‌ر اولا از میرده ایجاد ایدلمش و در سعادتیه (طودوری) نامنده بری طرفدن کتیر بلوب بر و ایتده سلطان حمامنده ترشیچینک یاننده کی سودجی دکاننده اجرای صنعته باشلامشدر. بعده اوزون چارشوده، سلیمانیه ده دخی کورایله ایشلر قالبچی دکانلری آچیللمش و کیت کیده شو حال ترقیه کیشدر. قالب‌ر صفر دیدک‌لری بر نومرودن ۱۶ نومرویه قدر یاییلمقده در. شمیدیلر غیر مستعمل اولان (طاریک اوغلی) (۲) نومرو اولوب انوعی میاننده (حمیدیه) (بیوک حمیدیه) (عزیزیه)، (نام زخاف)، (یارم زخاف)، (افندی بیچی)، (ازمیر بیچی) ناملرنده اشکالی وارددر.

احمد راسم

سلانیکده مقیم مشاهیر وکلای دعاو عزدن سلم افندی طرفدن اهدا اولمشدر

ترکیاده اجنبی شرکتلری

۱ ممالک عثمانیه ده مرعی الاجرا اولان عهد و عتیقه اجنبیلره حاز اولدقلری امتیازات ساره میاننده توطن و سربستجه اجرای تجارت ایتک حقی دخی بخش و تأمین ایلکمده در. اجانب کندی آره لرنده متحدث اختلافات همچون قونسولوسخانه‌لری محاکمه تابع اولوب یالکیز اموال غیر منقولیه عائد دعاویدن و برده تبعه عثمانیه ایله ظهور ایدن اختلافاتدن طولانی محاکم عثمانیه جلب اولنورلر. تورکیاده اجرای تجارت ایدن تبعه عثمانیه «تمتع» ویرکوسنه تابعدرلر اجنبیلر ایسه بو ویرکودن معاف بولندقلرندن تورکیاده تبعه عثمانیه یه نسبتله غبطه درس بر موقع اشغال ایدپورلر دیمکدر.

۲ اجنبیه مارالذکر حقوق و امتیازاتی تأمین ایدن عهد و عتیقه انحق اشخاص مادیه عائد و منحصر اولوب اشبحقوق و امتیازاتک اشخاص مغنویه یه تعبیردیکرله اجنبی شرکتلرینه توسیع اوله میه جفی صرف حقوق نقطه نظرندن ادعا اولنه ییلوردی.

۳ شرکتك مقابلہ نامہ سی مندرجاتی مصدق بر ارادہ سنیہ ایله اعطای مأذونیت اولمقدقه تورکیاده آنونیم بر شرکت تأسس ایدہ مدیکی ایچون (قانون تجارت، ماده ۲۸) قانون تجارتك بو ماده سی هم اجنبی حمده عثمانی شرکتلری حقندہ واجب التعلیق بر انضباط وامنیت قانونی تشکیل ایلمکده اولدینی دخی ادعا اولنہ بلوردی .

۴ حالبوکه تطبیقاندہ حکومت عثمانیہ تورکیاده کی اجنبی شرکتلرک بلاقیسد و شرط سربسجه اجرای معاملات ایتملرینه دایما مساعی کو تردیکندن بونلر شعبه لر ویا اجتهلر تأسیسی ایله ایضای معاملاتده سربست بولمشلر و طبقی تبعه اجنبیه مثللو عینی طرق قانونیه یه توسل ایدرک برکونا تحدیداته اوغرامقسزین عینی حقوق وامتیازآندن مستفید اولمشلردر .

۵ عهود عتیقه بو وجهله توسیعاً تفسیر اولنہرق وکرک اشخاص مادیه وکرک اشخاص معنویه حقندہ تطبیق اولنہرق عمومیتله تعقیب اولنان عرف و عاداته مستند بوانان بو صورت تفسیر بر ماهیت مجبوریه بی احراز ایتمشدر زیرا هر یردن زیاده تورکیاده عرف و عادات مهم بر رول ایفا ایتمکده اولوب عهود عتیقه نك اجانبه بخش ایلدیکی امتیازاتی ده اینی تعیین و تفسیره وحق توسیعه همیشه خادم اولمشدر .

موسیو دومارتنس حقوق دول نام اثر کزیننده عرف و عاداتك قونسولسلره بخش ایلدیکی حقوق تشریقاتیه و فخریه یه دایر باب عالی ایله سفرای دول معظمه آرسنده جزیان ایتش اولان بر مخبریه بی ذکر ایدیور سفرای باب عالی یه مشترکاً کوندر دکلری نوطه لرده عرف و عاداتك تورکیاده بر اهمیت قطعیه بی حائر بولندیقی . بر جوق مسائلك بو عرف و عاداته کوره حل اولندیقی و باب عالی نك کندیسنه بو یوزدن ترتب ایدن مجبوریته اعتراض ایدهمیه جکی اثبات ایتمشلردر . شوسبله موسیو مارتنس «بو عاداتك ماهیت مجبوریه سی حقوق نقطه نظرندن غیر قابل اعتراض بولندیقی» در میان ایلپور ، موسیو فورو - زیرو ، دخی قونسولسلر محاکمی حقندہ کی اثر معتبرنده قونسولسلرک امور جنایه ده اجرای عدالت ایتمک

معیار ایدمه یه حق و عتیقه یه بخش ایدہ ایتش منالده - استشاره -

خصوصنده کی حقوق مصدقہ سی ایضاح ایتدیکی ائشاده بو باده یالکز عهود عتیقه مندر جائنه مراجعت اولمیبوب عرف وعادالت دخی نظر دقت و اعتباره آلمسی لازمکلیکنی بیان ایدیور شو سلسله افکاری تعقیباً مختلف قونسلوسلق نظامنامه لرینک تورکیاده کی قونسلوسلره یالکز عهود عتیقه یه و معاهدانه دکل عرف وعادانه مستنداً اجرای احکام اتملری حقنی طایفیدیغنی ذکر ایلمک لازمه دندر. بوکائنه خدیویت مصریه حقوق مکتبی معلملرندن موسیو «لامبا» مصرده کی اجانبک وضعیت حقوقیه سی حقنده کی ائرنده «اجانبک تعیین موقعی ایچون احکام معاهداتدن ماعدا عهود عتیقه یی اکمال و ایضاح ایتدکاری ایچون عرف وعاداتی دخی نظر دقت و اعتباره آلق لازمکلیکنی» بیان ایدیور.

۶ شو نقطه نظرندن اجنبی شرکتلرک تورکیاده تأسیس ایتک و اجانبه بخش اولان امتیازاتدن مستفید اولمق حقنی حاز اولدقلری قابل اعتراض اولمسیله حکومت عثمانیه نك بووادیده کوستردیکی مساعدنه نتیجه سی اوله رق اجنبی شرکتلرک و علی الخصوص یکده جای امنیت اولمیان سیغورطه شرکتلرینک تورکیاده اجتهلر تأسیس ایدوب اعتماد عامه دن مستفید اولدقلری ده تسلیم ایدمیلدر. بو شرکتلر اجتهلرینه آنلره اجرای معاملات ایدن اشخاص ثالثه نك ضررینه اوله رق محدود صلاحیتلر و بررورلر. آجتهلر ایسه سیغورطه سندلری ایضالادقلری و شرکتلری نامنه تحصیلاتده بولندقلری حالده محاکمه شرکتلره وکالت ایتک حقنی حاز اولدقلری بیان و دیگر طرفدن شرکتده تورکیاده اقامتکاهی اولدبنی ادعا سنده بولنه رق محاکم محلیه نك حق حاکمیتی jurisdiction طایفه دن امتناع ایدیور. خلاصه بو شرکتلر لازمه عدالت و شیمه انسانیت منافی و خلقت منافعه مضر بر حرکت تعقیب ایده کلکسده در بو کی شرکتلرک احوال و حرکاتی در سعادت دعوی و کیلرندن هاجیریان اقدینک تورکیاده سیغورطه معاملاتنک نه بولده جریان ایتدیکی حقنده کی ائرنده مفصلاً ایضاح ایدلمش اولدبنی جهته بو باده اطنابدن صرف نظرله قارئلرک ائرمذکوره مراجعتنی توصیه ایتکله اکتفا ایلرم. شبهه سز تورکیاده شایان حرمت و اعتماد اجنبی شرکتلر و سیغورطه قومبانیه لری ده

وارد در . لکن بونلر میاننده بولان بعض شرکتلرک سوء استعمالاتی نه قدر نادر اولورسه اولسون بونلره قارشو تدابیر اتخاذی حکومت عثمانیه نك حق ووظیفه سیدر صانیرم .

۷ بومقصده ۱۸۸۷ سنه سی تشرین نایسنك یکریمی بشنده حکومت عثمانیه اجنبی آنونم شرکتلری حقنده بر نظامنامه قلمه المشیدی . ۲۲ ربیع الاول ۱۳۰۵ تاریخیه مورخ اولان بونظامنامه اجنبی آنونم شرکتلرینك حکومت عثمانیه دن استحصال رخصت ایتمکجه تورکیاده آجته ویا شعبه آجه میه جقلرینی، وشرکتلرک نظامات داخلیه سی قوانین عثمانیه یه منافع عمومیه یه وامنیت عامه یه مغایر احکامی محتوی اولمدینی تقدیرده رخصت مذکور نك تجارت نظارتی طرفدن ویریه جکی متضمن ایدی .

تورکیاده اجابنك منافع و امتیازاتنه تعلق ایدن هر قانون انحق حکومت عثمانیه ایله سفارات آرهنده استلاف حاصل اولدقدن صکره موقع تطبیقه وضع ایدلمکده در . حالبوکه مذکور نظامنامه نك حین اصدارنده یازدیغ بر مقاله ده بیان اولندیعی وجهله بواستلاف حاصل اولوبده بر قانون احکامی اجانب حقنده تطبیق ایدیلنجه به قدر آیلر ، سنهلر کچر ، حتی بعض کره سفارتلرک عدم موافقی سوقیله قانون مذکور حکمدن ساقط اولور . اشته ۱۸۹۷ نظامنامه سی ده بو حاله گرفتار اولدی .

حکومت سنیه بالخاصه سیغورطه شرکتلرینك احوال و معاملاتنی برداره انتظام و مضبوطیته المق املیه ۲۹ محرم ۱۳۲۴ تاریخنده آنونم شرکتلرله سیغورطه قومپانیه لری حقنده یکی بر نظامنامه تنظیم ایلمش ایه ده سفارتلرک موافقی استحصال اولتمزدن اول اعلان ایدیلان بونظامنامه دخی رینه قائم اولدینی نظامنامه دن احسن بر عاقبه نائل اوله مامش ، سفارتلر « سفاراتك تصویب اولمق سزین اعلان اولنان مذکور نظامنامه نك اجانب حقنده تطبیق اولنه میه جفنی » باب عالی یه تودیع ایتدکاری بر تقرر اعتراضینده بیان ایلمشدر در . شوسبله نظامنامه بو آنه قدر موقع تطبیقه وضع اولنه مامشدر .

مسروقات انفه دن صكره جانب باب عالیدن تنظيم ايديلان مذكور نظامنامه مك
حقوق دوله و يا عهد عتيقه به مغاير بر ماده يي حاوی و سفارتلرك بونظامنامه يي
قبولدن امتناعي حقل اولوب اولديغني تدقيق ايتك فائده دن خالی دكلدر .

۹ هر حكومتك كندی مملكتي داخلنده اجنبي شركتلك اجرای معاملات
ايتلرينه مأذونيت و بر مك ايچون منافع عامه يي وقایه مناسب كوره جي شرائطي
وضعه صلاحيتدار بولديغني عموماً مسلمدر . بمض حكومتلرده اجنبي شركتلك
يرلی شركتلكر حقنده موضوع و كنديلري اعلان ايتدر مكدن عبارت اولان
قيود و تدابير اتباعه مجبور طوتمقدمه دركه بواصول بلجيقاده ، اسبانیاده و ايتالياده
جاريدر . ديكر حكومتلرده ايسه اجنبي شركتلكر بر مراقبه مانعه به تابع اولوب
اقدبحه استحصال مساعده ايتكمزين اجرای معاملات ايده مزلر . بواصولده
اوسترياده ، پروسياده ، يونانستانده ، مجارستانده ، روسيه ده و رومانياده جاريدر .

بوندنمعدا رومانيا حكومتی تمهدات واقعه مك تمامی اجراسني تأمين ايچون
لااقل ۳۰۰,۰۰۰ فراقلق ركفالت اعطاسني طلب ايتكمده در . مجارستان حكومتی ده
مجارستان داخلنده اجرالته جق شركت معاملاتك اداره سي ايچون معين سرمايه مك
داخل مملكتنده وضعي كشریط ايتكمده در . فرانسه ده دخي مساعده استحصالی
لازمه دن اولوب شوقدركه فلان و يافلان حكومته منسوب شركتلكر او حكومت
قوانيتك تأمينات مطلوبه يي بخش ايتش اولديغنه كوره صورت عموميه ده برامنامه
ايله اعطای مأذونيت اولنور .

۱۰ ممالك مختلفه ده مرعی الاجرا اولوب روجه بلا تلخيص ايتديكمز
قوانين ؛ اجنبي شركتلكر بر مملكت داخلنده اجرای معاملات ايتلرينه انجق منافع
عامه يي محافظه به صالح تدابيرك اتخاذدن صكره مساعده اولديغني اثبات ايدر .
« حقوق بين الدول » مؤسسسي ۱۸۹۱ سنه سنده هامبورغده منعقد اجنماعنده
اتخاذ ايلديكي مقررانده « كندی مملكتلرنده تأسس ايدن شركتلكر حقوق
عموميه به عائدقوانين و نظامانه رعایت ايتك شرطيله ممالك سارنده اجرای معاملات
ايتكمه مأذون بولمليرينه » قرار و ير مشدر .

۱۱. حکومت متعذبه قبول ایدیلان قاعده عمومی بوسمر کرده اولنجه عهود عتیقه اصولی بعض شرکتلرک سوء استعمالاته میدان ویرماتک و منافع مملکتته ایرات مضرات ایده بیله جک شرکتلرک تورکیاده اجرایی معاملات ایتلرینی منع ایتک اوزره حکومت سینه نک اجنبی شرکتلرینک احوالی بردارؤ انظامه المی حق و صلاحیتینی اخلال ایده بیلورمی؟ بکا قالیرسه اخلال ایده من . اقدیجه بیان ایلدیکم وجهله عهود عتیقه اجنبی انونیم شرکتلرینک تورکیاده تأسیس ایتلرینه مانون بولندیغنی متضمن بکونا احکامی شامل دکلدر . آنلرک بوحتی تعامل ایله تصدیق اولنشددر . بوتعامللرک برماهیته مجبوریه بی حازر اولدقلرینی تسلیم ایتکله برابر درجه شموللرینی مبالغه ایتامک وهله بوماهیته سوء استعمال درجه سنه واردرماق لازمکله چکی فکرنده بیم .

حکومت عثمانیه اجانبک تورکیاده توطن ایتلرینه مساعده ایتش ایسه ده بومساعده اجنبیلرک «وظائف مودنه و حقوق امنیت» مغایر هرکونا تشبثدن اجتاب ایده جکلری «شرطیه مقیددر ، بناء علیه منافع عامه بی غل برحال وحرکتنده بولسان اجانبک تورکیایه کیرمکدن منعی ویا تورکیادن اخراجی امرنده حکومت عثمانیه ایچون هیچ برمانع یوقدر . اجنبی شرکتلرینه براقیلان سربستی بولردن بعضیلرینک منافع عامه بی اضرار ایده جک حرکاتنده بولملرینه میدان آچش اولدیغنی جهته حکومت بوحالدن متولد سوء استعمالاته نهایت ویرمک حقنی حازر بولمقده در .

[مابعدی کله جک نسخده ده]

سلانیک دعوی وکیللردن

ا. ز. سالم

اجال داخلی

انتخاباتک حال حاضری - روملر آهنگی بوزیورلر - کیریمظالمی - سیسام اختلانک نتایج قانونیه سی - طاش قشله وقعه سی - کورعلی و رفیقنک محکومیتی - استانبول وولایاتده آسایش - درسده قوه تنکیلیه نه پایبور - کردلر وطاشناقسیون - آرانواد اتحادی - کوپری بو دفعه ده قورتلیدی! - لاحقته: انتخاباتده روملر .

استانبول ۲۲ تشرین اول ۱۳۲۴

بخشایش طبعیتدن الک آرز نصیبه دار اولمش ، شاهراه مدینتدن اوزاقلره